

SA's Leading Past Year

Exam Paper Portal

STUDY

You have Downloaded, yet Another Great Resource to assist you with your Studies 😊

Thank You for Supporting SA Exam Papers

Your Leading Past Year Exam Paper Resource Portal

Visit us @ www.saexampapers.co.za



SA EXAM
PAPERS



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

LIBANGA 12

SISWATI LULWIMI LWASEKHAYA (HL)

LIPHEPHA LESITSATFU (P3)

LWETI 2016

IMEMORANDAMU

EMAMAKI: 100

Lememorandamu inemakhasi la-12.

SIGABA A: INDZABA**UMBUTO 1: KUBHALWA KWENDZABA (340–390 emagama)**

CAPHELA: Kuyo yonkhe imibhalo cikelela linani lemagama lelimisiwe. Indzaba lephatselene nesitfombe ayibe nesihloko.

1.1 *Mhlazana ngibuyela ekhaya emva kwesikhatsi lesidze ngahamba.*

LUHLOBO LWENDZABA: INDZABA LELANDZISAKO

LOKUBALULEKILE:

- Sakhiwo sendzaba kumele sivete singeniso, umtimba nesiphetho.
- Endzabeni lelandzisako kumele kucikelelwe kutsi kubhalwa ngesikhatsi lesengca ngobe ilandzisa ngaloko lokwenteka.
- Lohlolwako akavete **ngalokufisha** imbangela yekunyamalala kwakhe kanye nembangela yekubuya kwakhe.
- Caphela kutsi indzaba ikhuluma ngetinfo lebetenteka mhlazana (**ngalelo langa**) lohlolwako abuyela ekhaya emva kwesikhatsi lesidze ahamba.

1.2 *Tindlela tekonga emanti.*

LUHLOBO LWENDZABA: INDZABA LECHAZAKO

LOKUBALULEKILE:

- Sakhiwo sendzaba kumele sivete singeniso, umtimba nesiphetho.
- Indzaba lechazako kumele icikelele kutsi ichaza intfo lekhona lebonwa nguwo wonkhe umuntfu. Intfo lechazwako kumele kuvetwe sitfombe sayo ngalokusobala kuleto tetsamelilwati tembhali.
- Caphela kutsi indzaba ichaza ngetindlela tekonga emanti. (Sib. Kwakha emadamu ekonga emanti/Kulungiswa kwemaphayiphi emanti lavutako/Kunisela tingadze ngemanti lasebentile/Kusebentisa emanti emvula, njll.)
- Lenzaba isebentisa sikhatsi sanyalo nalesengca.

1.3 *Umbono wemhlolela ngemicimbi yekuklonyeliswa kwetihlabani tamatekuletjeni nakuphuma imiphumela.*

LUHLOBO LWENDZABA: INDZABA LEVETA UMBONO WEMBHALI/HLANGOTSILUNYE

LOKUBALULEKILE:

- Sakhiwo sendzaba kumele sivete singeniso, umtimba nesiphetho.
- Bahlolwa kumele bakhethse luhlangotsi lunye bangagudluki kulo endzabeni yonkhe. (Bavumelane nobe baphikisane nalombono.)
- Caphela kutsi indzaba iveta luhlangotsi lolukhetfwe ngumhlolela, ingakhulumi ngako kokubili. Imicimbi yekuklonyeliswa kwetihlabani tamatekuletjeni nakuphuma imiphumela, iyabakhutsata nobe ayibakhutsati bafundzi.
- Lenzaba isebentisa sikhatsi lesengcile, sanyalo nesikhatsi lesitako.

1.4 *Tekuchumana letinhlobonhlobo tiyasakha tibuye tisibhidlite similo selusha lwalomuhla.*

LUHLOBO LWENDZABA: INDZABA LENHLANGOTSIMBILI/MBACAMBILI/LEVETA SIMO NJENGOBE SINJALO.

LOKUBALULEKILE:

- Sakhiwo sendzaba kumele sivete singeniso, umtimba nesiphetho.
- Kuloluhlobo lwenzaba bahlolwa kumele bavete bubu nebhule besihloko, totimbili tinhlangothi.
- Caphela kutsi indzaba ikhuluma ngekutsi tekuchumana letinhlobonhlobo (sib. Imisakato/Emaphaphandzaba/Emaphaphabhuku/Bomabonakhashane/Bomakhalekhikhini, njll) tiyasakha tibuye tisibhidlite similo sensha yalomuhla.
- Lenzaba isebentisa sikhatsi lesengcile, sanyalo nesikhatsi lesitako.

1.5 *Ngifundze lukhulu ngekutihlanganisa nebangani lababi. Emuva angibuyeli.*

LUHLOBO LWENDZABA: INDZABA LEBALISA NGEMPHILONCHANTI YEMBHALI.

LOKUBALULEKILE:

- Sakhiwo sendzaba kumele sivete singeniso, umtimba nesiphetho.
- Kuloluhlobo lwenzaba umbhali ubalisa ngato tonkhe tinkinga lahlangabetene nato lakhonile kutincoba waze wefika lapho akhona lomuhla, langafisi kuphindze abuyele kuto. Emaphuzu lasenzabeni akavete simo sembhali lesimatima sigucuka site sifike lapho sancuma khona kungabuyeli emuva.
- Lenzaba isebentisa sikhatsi lesengcile nesikhatsi sanyalo.

1.6 1.6.1 *Indzaba lephatselene nesitfombe.*

LUHLOBO LWENDZABA: INGATSATSA NOBE NGULUPHI
LUHLOBO LWENDZABA KULETI
LETINGENHLA

LOKUBALULEKILE:

- Sakhiwo sendzaba kumele sivete singeniso, umtimba nesiphetho.
- Bahlolwa kumele babe nemaphuzu lesekelako lahambisana nesitfombe, bangagudluki kuso.
- Tihloko titawehluka. (sib. Umcimbi lomkhulu wetemculo/Kugujwa kwelusuku lwaKhisimusi/Bekusindvwe ngebeltfole, njll.)

1.6.2 *Indzaba lephatselene nesitfombe.*

LUHLOBO LWENDZABA: INGATSATSA NOBE NGULUPHI
LUHLOBO LWENDZABA KULETI
LETINGENHLA.

LOKUBALULEKILE:

- Sakhiwo sendzaba kumele sivete singeniso, umtimba nesiphetho.
- Bahlolwa kumele babe nemaphuzu levakalako lahambelana nesitfombe, bangagudluki kuso.
- Tihloko titawehluka. (sib. Kuphepha eticiwini tetinyamatane/Tingoti letenteka eticiwini tetinyamatane/Mhlazana ngivakashela esiciwini setinyamatane/Umvuzo wekungatfobeli imitsetfo yaseticiwini tetinyamatane njll.) Kuvakasha akufake ingoti **nobe sigameko sekuhlaselwa tilwane esiciwini setinyamatane.**

1.6.3 *Indzaba lephatselene nesitfombe.*

LUHLOBO LWENDZABA: INGATSATSA NOBE NGULUPHI
LUHLOBO LWENDZABA KULETI
LETINGENHLA.

LOKUBALULEKILE:

- Sakhiwo sendzaba kumele sivete singeniso, umtimba nesiphetho.
- Bahlolwa kumele babe nemaphuzu levakalako lahambelana nesitfombe, bangagudluki kuso.
- Tihloko titawehluka. (sib. Indzebe yemhlaba yemidlalo yalabakhubatekile/ Temidlalo yalabakhubatekile/ Khukhulelangoco, njll.)

CAPHELA: KWABIWA KWEMAMAKI: (BONA IRUBHRIKI)

SAMBA SESIGABA A: 50

SIGABA B: EMATHEKSTHI EMIBHALOMBIKO**UMBUTO 2: IMIBHALOMBIKO (100–120 emagama)****2.1 INCWADZI LEHLELEKILE****SAKHIWO:**

- Emakheli aba mabili langakafakwa timphawu tekufundza.
- Likheli lesibili lifakwa sikhundla salobhalelwako ekucaleni.
- Kweciwa umugca embikwesibingelelo.
- Sibingelelo sencwadzi. (Sibingelelo kufanele sivete bulili balobhalelwako, sib. Mnumzane/Nkhosatana/ Nkhosikati).
- Kweciwa umugca emva kwesibingelelo.
- Sihloko sendzaba lokukhulunywa ngayo.
- Kweciwa umugca emva kwesihloko.
- Iba nesingeniso, umtimba nesiphetho.
- Singeniso lesetfula loko lekutawucocwa ngako.
- Kweciwa umugca emva kwaleyo naleyo ndzima.
- Tindzima letinemicondvo lebumbene.
- Kweciwa umugca embikwesiphetho.
- Siphetho lesisonga loko lebekucocwa ngako emtimbeni wencwadzi.
- Kweciwa umugca embikwekuvalelisa.
- Kuvalelisa lokutifobako lokuhambelana nesibingelelo. (Sib. Ngimi lotitfobako).
- Sibongo siyafakwa.

LOKUBALULEKILE:

- Kusetjentiswa irejista lefanele. Sib. Mnumzane esikhundleni sekutsi babe/lotitfobako esikhundleni sekutsi lomatiko.
- Kucikelelwa kusetjentiswa kwelulwimi ngalokujulile.
- Incwadzi ayikhonone ngekhalkhuletha lengasebenti.

CAPHELA: Kwabiwa kwemamaki: (Bona irubhriki)**[25]****2.2 UMLANDVOMUFI****SAKHIWO**

- Sihloko semlandvomufi.
- Ligama nesibongo semufi.
- Lusuku latelwe ngalo nelusuku lashone ngalo.
- Batali bakhe.
- Wesingaki ekhaya ngekutalwa.
- Indzawo latalelwe kuyo nalashonele kuyo.
- Imfundvo yakhe.
- Umndeni wakhe lawushiya emhlabeni.
- Emavi ekumvaelisa. (Sib. Lala ngekuthula/tinanatelo temufi njll.)

LOKUBALULEKILE:

- Kusetjentiswa irejista lefanele. Sib. Usishiye esikhundleni sekutsi ufe/ utawubekwa esikhundleni sekutsi utawungcwatjwa.
- Kucikelelwa kusetjentiswa kwelulwimi ngalokujulile. Sib. Akalale ngekuthula/Mhlaba awunoni, njll.
- Umlandvomufi awukhulume ngekushona kwemngani walohlolwako longumdlali welibhola.

CAPHELA: Kwabiwa kwemamaki: (Bona irubhriki)**[25]**

2.3

SIHLATIYWA:**SAKHIWO:**

- Sihloko salokuhlatiywako.
- Lusuku lesishicilelwe ngalo.
- Nika emaphuzu langemaciniso ngesihlatiywa sib. Linani lalabaneticu labangasebenti/ticu labatifundzele/emakhono labanawo.
- Veta tiphakamiso neluvo lwalohlatiyako.
- Khombisa ngalokusobala tincumo talohlatiyako ngaloko lokuhlatiywako.
- Ingcikitsi icaciswe ngetizatfu letesekelako.
- Sihehe tetsamelilwati.

LOKUBALULEKILE:

- Kusetjentiswa irejista lefanele. Sib. Bashuci esikhundleni sabosiyayinyova/baninititolo esikhundleni sekugagula ngekwebuve, njll.
- Kusetjentiswa sikhatsi lesengca/lesengcile nalesitako.
- Lulwimi lolwetayelekile.
- Caphela kutsi sihlatiywa siphatselene nekuhlatiya lebekwenteka ngalesikhatsi lusha lolubuya emakolishi nasemanyuvesi lushuca.

CAPHELA: Kwabiwa kwemamaki: (Bona irubhriki)**[25]**

2.4

INKHULUMO LEHLELEKILE**SAKHIWO:**

- Sihloko senkhulumo. (Kwetfulwa kweluhlelo lwekukhutsata bafundzi etifundweni tabo kute baphumelele ekupheleni kwemnyaka.)
- Kubingelela sihlalo netetsamelilwati.
- Singeniso lesetfula loko lekutawukhulunywa ngako.
- Tindzima tenkhulumo letinemaphuzu labumbene.
- Siphetto senkhulumo lapho kusongwa khona onkhe emaphuzu labeketfulwa enkhulumeni.
- Kubonga sihlalo netetsamelilwati.

LOKUBALULEKILE:

- Kusetjentiswa irejista lefanele. Mphatsiluhlelo/Umhlonishwa, njll.
- Kucikelelwa kusetjentiswa kwelulwimi ngalokujulile. Kungiboleka indlebe/Kwandza kwaliwa ngumtsakatsi, njll
- Caphela kutsi inkhulumo iphatselene nekwetfulwa kweluhlelo lwekukhutsata bafundzi etifundvweni tabo kute baphumelele ekupheleni kwemnyaka.

CAPHELA: Kwabiwa kwemamaki: (Bona irubhriki)**2.5 INCWADZI YEBUNGANI****SAKHIWO:**

- Likheli linye leliphatele lelingakafakwa timphawu.
- Kweciwa umugca embikwesibingelelo.
- Sibingelelo sencwadzi. (Sibingelelo kufanele sivete buhlobo lobukhona emkhatsini walobhalako nalobhalelwako).
- Kweciwa umugca embikwesingeniso.
- Singeniso lesetfula loko lekutawucocwa ngako.
- Kweciwa umugca emva kwaleyo naleyo ndzima.
- Tindzima letinemicondvo lebumbene.
- Kweciwa umugca embikwesiphetho.
- Siphetho lesisonga loko lebekucocwa ngako emtimbeni wencwadzi.
- Kweciwa umugca embikwekuvalelisa.
- Kuvalelisa lokuhambelana nesibingelelo. (Sivaleliso kufanele sivete buhlobo lobukhona emkhatsini walobhalako nalobhalelwako).
- Sibongo asifakwa.

LOKUBALULEKILE:

- Kusetjentiswa irejista lefanele. Mngani wami/Sphiwe/Ntsanga, njll
- Kucikelelwa kusetjentiswa kwelulwimi ngalokujulile.
- Incwadzi ayivete inkinga lohlohwako lanayo iphindze icele nesisombululo salenkinga. Sib. Ukhulelisile/Ukhulelwe.

CAPHELA: Kwabiwa kwemamaki: (Bona irubhriki)**[20]**

26 **INKHULUMOLUHLLOLO****SAKHIWO:**

- Sihloko. (Iphatselene nani lenkhulumoluhlolo). Sib. Inkhulumoluhlolo yemfundzate emkhatsini waSipho nebaphatsi benkampani labatsafu.
- Balingisi labaphatselene nenkhulumoluhlolo. (Emagama abo abhalwa esandleni sesancele ehluhaniswe ngekhloni).
- Umtimba wakhiwa yimibuto lehambelana netimphendvulo letiphatselene nebudokotela.
- Siphetho. (Kusongwa kwenkhulumoluhlolo). Kutjelwa ngemiphumela yenkhulumoluhlolo emva kwemaviki lamabili, njll.
- Umhlolwa unikwa litfuba lekubuta nangabe anayo imibuto.
- Kubumbana kwesihloko nalokwentiwako kulenkhulumoluhlolo.

LOKUBALULEKILE:

- Ibhala ibe sesikhatsini sanyalo/lesitako. Sib. Beka emaphuzu lamabili ngaloko lotawukwenta nangabe uyaphumelela.
- Lulwimi lolusetjentiswako luhlelekile futsi lwetayelekile.
- Kusetjentiswa irejista lefanele.
- Caphela kutsi inkhulumoluhlolo iphatselene nemfundzate wekuyewufundzela budokotela enyuvesi.

CAPHELA: Kwabiwa kwemamaki: (Bona irubhriki)**[25]****SAMBA SESIGABA B: (25 x 2)****50****SAMBA SAKO KONKHE:****100**

CAPHELA:

- Sebentisa irubhriki njalo nawumaka indzaba (Liphepha le-3, SIGABA A).
- Emamaki lasukela ku-0–50 ehlukaniwe ngemazinga lasihlanu-(5) etinchazelo temakhono, (Emalengiso, Licophelo lelisetulu, Lokwenetisako, Lokusacatfuta naLokungaphumelelisi).
- Kuletimphawu taLokucuketfwe, Lulwimi neSitayela, letinchazelo temakhono letisihlanu tehlukeniswe ngekwelizinga lelisetulu ngalokubabatekako nelizinga lelisetulu ngalokungababateki, ngekwehlukana kwemamaki netinchazelo temakhono.
- Sakhiwo sona asitsintseki ngalokwehlukaniwa kwelizinga lelisetulu ngalokubabatekako nelinelizinga lelisetulu ngalokungababateki.

IRUBHRIKI YEKUHLOLA INDZABA YELULWIMI LWASEKHAYA [50 EMAMAKI]

Timphawu		Emalengiso	Licophelo lelisetulu	Lokwenetisako	Lokusilele	Lokungaphumelelisi
LOKUCUKETFWE NEKUHELELA (Imphendvulo nemibono) Kuhleleka kwemibono nakulungiselelwa kubhala Kucikelelwa kwenhloso, tetsamelilwati nesimongcondvo 30 EMAMAKI	Lizinga lelisetulu ngalokubabatekako	28–30 -Imphendvulo lengemalengiso lababateka ngetulu kwalokulindzelekile -Imibono ivutsiwe, inekuhlakanipha, lokukhombisa kucabanga lokujulile -Kuhleleka kungemalengiso lababatekako, kubumbene nesingeniso, umtimba kanye nesiphetho	22–24 -Imphendvulo lesecophelweni lelisetulu ngalokubabatekako -Imibono ivutsiwe, iyaheha ihambisana nesihloko ngalokuphelele -Kuhleleka kusecophelweni lelisetulu kakhulu, lokubumbene nesingeniso, umtimba nesiphetho	16–18 -Imphendvulo leyenetisako -Imibono ibumbene futsi ikholweka ngalokwenetisako -Kuhleleka kubumbene nesingeniso, umtimba nesiphetho ngalokwenetisako	10–12 -Imphendvulo lengakabumbani -Imibono ayikacaci kantsi futsi akusiyo yekuticambela -Buncane bufakazi bekuhleleka nekubumbana	4–6 -Yonkhe imphendvulo iyanhlanhlatsa -Imibono ihlangahlangene futsi iyadidana, ayikacondzi ngco -Kunekuphindzaphindza lokungevakali -Akukho kuhleleka nekubumbana
		Lizinga lelisetulu ngalokungababateki	25–27 -Imphendvulo lengemalengiso kodvwa ingenato timphawu tekubabateka -Imibono ivutsiwe futsi ihlakaniphile -Kuhleleka lokungemalengiso, kubumbene nesingeniso, umtimba nesiphetho	19–21 -Imphendvulo lesecophelweni lelisetulu -Imibono iyaheha, ihambisana nesihloko -Kuhleleka lokusecophelweni lelisetulu lokubumbene nesingeniso, umtimba nesiphetho	13–15 -Imphendvulo leyenetiisako kodvwa kukhona lokungevakali kahle -Imibono ibumbene, iyakholweka -Kukhona kuhleleka lokutsite kanye nekubumbana nesingeniso, umtimba nesiphetho	7–9 -Imphendvulo legcwele kunhlanhlatsa -Imibono ayihlangani, iyadidana -Abukho bufakazi bekuhleleka nekubumbana

IRUBHRIKI YEKUHLOLA INDZABA YELULWIMI LWASEKHAYA [50 EMAMAKI] (iyachubeka)

Timphawu		Emalengiso	Licophelo lelisetulu	Lokwenetisako	Lokusilele	Lokungaphumelelisi
LULWIMI, SITAYELA NEKUHLUNGWA KWEMAPHUTSA Kuhambelana kwemoya irejista, sitayela, silulumagama nenhloso nesimongcondvo Kusetjentiswa kwelulwimi, timphawu tekufundza nekubhala, luhlelo, sipelingi (lupelomagama) 15 EMAMAKI	Lizinga lelisetulu ngalokubabatekako	14–15	11–12	8–9	5–6	0–3
		-Umoya, irejista, sitayela nesilulumagama kuhambelana nenhloso, tetsamelilwati nesimongcondvo ngemalengiso lababatekako -Lulwimi lolunekutetsemba, lolugculisako nalolunemba ngemalengiso lababatekako -Emasu ebugagu belulwimi asetjentiswe ngemphumelelo lenkhulu kuveta umoya nekuheha kwemphendvulo -Esikhatsini lesinyenti kakhulu emaphutsa eluhlelo nesipelingi kute -Kunekuticambela lokungemalengiso lasetulu kakhulu	-Umoya, irejista, sitayela nesilulumagama kuhambelana nenhloso, tetsamelilwati nesimongcondvo ngelicophelo lelisetulu -Lulwimi lusecophelweni lelisetulu kantsi nemoya uyemukeleka emphendvulweni yonkhe -Emaphutsa eluhlelo nesipelingi akasimanyenti -Kuticambela lokusecophelweni lelisetulu	-Umoya, irejista, sitayela nesilulumagama kuhambelana nenhloso, tetsamelilwati nesimongcondvo ngalokwenetisako -Lulwimi lusetjentiswe ngalokwenetisako kwetfula lokushiwo embhalweni -Umoya uyenetisa -Emasu ebugagu belulwimi asetjentiswe kunotsisa lokucuketfwe	-Umoya, irejista, sitayela nesilulumagama akuhambelani nenhloso, tetsamelilwati nesimongcondvo -Kusetjentiswa kwelulwimi kusacatfuta -Umoya nekukhetseka kwemagama akwemukeleki -Silulumagama sincane kakhulu	-Lulwimi aluvakali -Umoya, irejista, sitayela nesilulumagama akuhambelani nakancane nenhloso, tetsamelilwati nesimongcondvo -Silulumagama sincane ngendlela yekutsi lokubhaliwe akungalandzeleki
	Lizinga lelisetulu ngalokungababateki	13	10	7	4	
		-Lulwimi lusetjentiswe ngemalengiso nangalokuveta umoya lokhutsatako ngemphumelelo -Esikhatsini lesinyenti emaphutsa eluhlelo nesipelingi awekho -Kuticambela kungemalengiso	-Lulwimi lusetjentiswe ngemphumelelo lesecopheweni lelisetulu -Umoya uyemukeleka futsi uneligalelo lelemukelekile -Emaphutsa eluhlelo nesipelingi ambalwa -Icambeke kahle	-Lulwimi lusetjentiswe ngalokwenetisako kodvwa ngalokungafani embhalweni wonkhe -Imvamisa umoya wemukelekile, emasu ebugagu belulwimi asetjentiswe kancane	-Lulwimi lusetjentiswe ngalokungenetisi -Kusetjentiswa kwetinhlobo letehlukene temisho kuncane/kute -Silulumagama sincane kakhulu	

IRUBHRIKI YEKUHLOLA INDZABA YELULWIMI LWASEKHAYA [50 EMAMAKI] (iyachubeka)

Timphawu	Emalengiso	Licophelo lelisetulu	Lokwenetisako	Lokusilele	Lokungaphumelelisi
SAKHIWO	5	4	3	2	0–1
Timphawu tetheksthi Kutfufukiswa kwetindzima nekwakhiwa kwemisho	-Sihloko sitfufukiswe ngemalengiso -Imininingwane yetfulwe ngemalengiso -Imisho, netindzima kwakheke ngemalengiso lababatekako	-Imininingwane itfufukiswe ngalokuihlelekile -Kunekubumbana -Imisho, netindzima kuhlelekile futsi kutinhlolonhlobo	-Imininingwane ihambisana nesihloko -Imisho netindzima kwakheke kahle Indzaba iyevakala	-Lamanye emaphuzu emukelekile -Imisho netindzima kunemaphutsa -Indzaba iyevakala noko	-Emaphuzu ladzingekile asilele -Imisho netindzima kunemaphutsa -Indzaba ayinamcondvo
5 EMAMAKI					
KWEHLUKA KWEMAMAKI	43–50	33–40	23–30	13–20	0–10

SIGABA B: EMATHEKSTHI EMIBHALOMBIKO LEMIDZANA (25)**IRUBHRIKI YEKUHLOLA ITHEKSTHI YEMIBHALOMBIKO LOMUDZE WELULWIMI LWASEKHAYA (LIPHEPHA LE-3, SIGABA B & C (25 EMAMAKI))**

Timphawu	Emalengiso	Licophelo lelisetulu	Lokwenetisako	Lokusilele	Lokungaphumelelisi
LOKUCUKETFWE, KUHLELA NESAKHIWO Imphendvulo nemibono Kuhleleka kwemibono nakulungiselelwa kubhala Inhloso, tetsamelilwati, timphawu/timiso, nesimongcondvo 15 EMAMAKI	13–15 -Imphendvulo lengemalengiso lababatekako -Imibono ivutsiwe, inekuhlakanipha, lokukhombisa kucabanga lokujulile -Lwati lolungemalengiso lwetimpawu teluhlobo lwetheksthi lebhawako -Umbhalo ucondze ngco -Lokucuketfwe kunemibono lebumbene ngemalengiso -Yonkhe imininingwane icaciswe ngemalengiso kantsi futsi yesekela sihloko -Sakhiwo lesifanele lesingemalengiso nalesingenamaphutsa	10–12 -Imphendvulo lesecophelweni lelisetulu lekhombisa -Lwati lolusecophelweni lelisetulu lweluhlobo lwetheksthi lebhawako -Umbhalo ucondze ngco – awutsemeleti -Lokucuketfwe kunemibono lebumbene ngelicophelo lelisetulu -Imininingwane yetfulwe ngelicophelo lelisetulu kantsi yonkhe yesekela sihloko -Sakhiwo lesemukelekako lesinemaphutsa langasho lutfo	7–9 -Imphendvulo leyenetisako, lekhombisa lwati lweluhlobo lwetheksthi lebhawako -Umbhalo awukacondzi ngco ngalokuphelele, unekutsemeleta lokutsite -Emaphuzu alokucuketfwe abumbene ngalokwenetisako -Leminye imininingwane iyasesekela sihloko -Sakhiwo siyenetisa kodvwa sinemaphutsa latsite	4–6 -Imphendvulo lecaffutako lekhombisa lwati loluncane lweluhlobo lwetheksthi lebhawako -Umbhalo unekutsemeleta lokunyenti -Kubumbana kwemaphuzu alokucuketfwe kuncane kakhulu -Imbalwa imininingwane leyesekela sihloko -Imitsetfo netimiso letibalulekile tesakhiwo setheksthi atikalanzelwa ngalokufanele -Kunyenti lokubalulekile lokusilele	0–3 -Imphendvulo ayikhombisi nakancane kuba nelwati lwetimpawu teluhlobo lwetheksthi lebhawako -Inshokutsi iyanhlanhlatsa, igcwele kutsemeleta lokunyenti -Emaphuzu alokucuketfwe akakabumbani nakancane -Imbalwa kakhulu imininingwane leyesekela sihloko -Imitsetfo netimiso tesakhiwo setheksthi letibalulekile atikalanzelwa nakancane
LULWIMI, SITAYELA NEKUHLUNGWA KWEMAPHUTSA Umoya, irejista, sitayela, inhloso, tetsamelilwati nesimongcondvo Timiso nekusetjentiswa kwelulwimi Kukhetseka kwemagama Timphawu tekufundza nekubhala nesipelingi 10 EMAMAKI	9–10 -Umoya, irejista, sitayela nesilulumagama kuhambelana ngemalengiso nenhloso, tetsamelilwati nesimongcondvo -Luhlelo alunamaphutsa kantsi futsi icambeke kahle -Esikhatsini lesinyenti akunamaphutsa	7–8 -Umoya, irejista, sitayela nesilulumagama kuhambelana nenhloso, tetsamelilwati nesimongcondvo ngelicophelo lelisetulu -Luhlelo luvame kungabi nemaphutsa kantsi futsi umbhalo ucambeke ngelicophelo lelisetulu -Silulumagama sisecophelweni lelisetulu -Emaphutsa ambalwa kakhulu	5–6 -Umoya, irejista, sitayela nesilulumagama kuhambelana nenhloso, tetsamelilwati nesimongcondvo ngalokwenetisako -Kunemaphutsa latsite eluhlelo -Silulumagama lesenetisako -Emaphutsa akayiphazamisi inshokutsi	3–4 -Umoya, irejista, sitayela nesilulumagama akuhambelani kahle nenhloso, tetsamelilwati nesimongcondvo -Kunemaphutsa lamanyenti eluhlelo -Silulumagama sincane kakhulu -Inshokutsi iyaphazamiseka	0–2 -Umoya, irejista, sitayela nesilulumagama akuhambelani nakancane nenhloso, tetsamelilwati nesimongcondvo -Kugcwele emaphutsa lamanyenti ladidanako -Silulumagama asihambisani nakancane nenhloso -Inshokutsi ihlangahlangene kakhulu
KWEHLUKA KWEMAMAKI	22–25	17–20	12–15	7–10	0–5